

حيات

حيات را نما حیات... دریا به راهها چرخ حیات قاتل...!

- نجه -

اداره مرکزی :

آقره ده ، آقره ده استانبول جاده سنده آقره
معارف امینکی پانده کی دایره

استانبول بوزر سی :

استانبولده ، باب عالی جاده سنده رسمی پرشیه
اداره خانه سی داخلده کی دایره
تلفون : ۳۶۰۷

نسخه سی هر برده ۱۰ غرور سر .

سنه لکی پوسته ایله ه لیرا .
(اجنبی مملکتلر ایچین ه دولار) .

آونه و اعلان ایشلری ایچین استانبول بوروسنه
مراجعت ایدیلیر .
یازی ایشلرینک مرجعی آقره مرکزدر .

صافی : ۳

آقره ، ۱۶ کانون اول ، ۱۹۲۶

۱ نجی جلد

مصابیه

علم و انقلاب

صوگ زمانلرده مطبوعه علم ایلده انقلابک
مناسبتی موضوعنه دائر بعض فکرلره تصادف
ایدیلیر . مثلاً دینیورکه « انقلاب علمه قارشى
حرمتکاردر . لاکن علمده انقلاب قارشيسنده
وضعیتی تعین ایتمه لیدر . انقلابلر علمک قاعده
لرینه ، دستورلرینه اویمق مجبوریتنده دکلدر .
علم انقلابک آرقاسندن یورومه لیدر و ساده جه
بر مشاهده جی وقیدجی کی حرکت ایتمه لیدر .
انقلاب سیرنده دوام ایدرکن علمه دوشن وظیفه
ساکت وصامت یالکنز حادثه لری تثبیت ایتمکدن
عبارت قالمالیدر . « ایلاک باقیشده بو فکرلر غایت
معقولدر . علملر شبهه سز حیاتدن دوغمشدر .
ناصل ماده یه عائد علملر تدوین ایدیلهدن اول
ماده بو توئکی کی موجود ایدیه ، جمعیه عائد
علملر تشکل ایتهدن اولده دنیا یوزنده جمعیتلر
واردی . و البته ریاضیات ومنطق ذاتاً موجود
و فعال اولان ذهنک مولودلریدر . هنوز توصیفی
صفحه سنده بولونان معنوی و اجتماعی علملرک
حیاتک و جمعیتک سیری و جمله لری قارشيسنده
اک بویوک وظیفه لری ده شبهه سزکه جمعیه عائد
هریکى تظاهره دقت ایدره ک مشاهده ومعلومات
ساحه لری کنیشه تمکدر .


لاکن انقلاب دینلن بویوک اجتماعی جمله لر
شعور سز صو جریانلری و فورطنه لری قیلندن
جانسز بر حرکت دکلدر . بشرک بومعظم جمله لری
شدت وقوتی افاده ایچین اکثریا طبیعتک بومهب
حادثه لری نه عائد کله لری استعاره ایدیله سی اعتیادی
بعضا ذهنلری حقیقتدن انحراف ایتدیره بیلیر .
انقلابلر شدت وقوت اعتباریله اکمده ش سیللره

آراسنده « علم » عنوانه لیاقت پیدا ایتش انسانلر
کورمه بورز . صناعی انقلاب تکنیک آدملرینک
اثریدر ؛ کونه نبرغلر ، ژاقلر ، و اقلر ، سته فه نسولر ،
فولتونلر ، هوتینی لر ، مورسلر هپ ساده جه
تکنیسیه نلردی . . . لاکن بونلرک ته کنیک
معلوماتلری غایله وطور یچه للی لردن ، کوپرنیک ،
نیوتون و لاووازیه لره قدار معظم بر علم هیئتک
صرف علمی ماهیتده کشفلرینه استناد ایدیلیردی .
بزم انقلابم زده علمک و فلسفه نک قوتلی
بر تأثیری اولمادیغی فرض ایتک تورکلری جهانی
یوروتن فکرلردن بی خبر عد ایتک کی غریب
بر دوشونجه اولور . بعضاً « علم » نامنه اورتایه
سورولن مطالعه لری بزی شاشیر تاممالی در . کیت
وختی کیفیت اعتباریله نه قدار دکرلی اولورسه
اولسون معلومات صاحی اولمق انسانى علم صاحی
ایده مهز ، معلومات براز فلسفه له شمه ده کجه ، یعنی
تفکرده ، اراده یه ، فعله ، قیصاجه سیرت وسجیه یه
نافذ اولمادجه « علم » حالى آلاماز . علمک
ومعلوماتک اخلاقی قیمتی بو خصوصیتنده مند مجدر .
علملری کنیدیلرینه اشیا و حادثه لری کورمک
اعتیادی ویره مه مش اولانلرک ، تفکرلرنده
دورغون و قاس قاتی قیمت قسطاسلرینه منقاد
بر اسیر حالنده بولونانلرک حکم و مطالعه لری
علمه نسبت ایتک علمه قارشى حرمتسزک اولور .
دیگر طرفدن علمی ، حیاتدن آیرازق حیاتک
حادثه لری قارشيسنده اونى ساده جه بر ضبط
کاتجی موقعنده کورمکده انقلابک فلسفی قیمتی
انکاره واریر . بزطن ایدیوروزکه حیات وانقلاب
ایله علمک مناسبتی دوشونورکن بو افراط
وتقریطلردن توق ایدره ک حادثه لره داها معتدل
بر نظرله باقایه امکان واردر ، و آنجاق بو صورتله
دها سالم بر حکمه ایریشه بیلیر .

عولی

اک قوتلی قاصیر غالر بکزر ؛ لاکن بوتون مشابته
بو قداردر . سیللر و فورطنه لر شعور سز ، انقلابلر
ایسه باشندن صوکنه قدار شعورلوردر . هر
انقلابک بر چوق عامللری واردر ، فقط بوتون
بونلرک ایچنده اک قوتلی عامل شبهه سزکه بشری
اولاندر . موفق اولان انقلابلر قوتلی رهبرلرک
عاملیتی ایله حرکت کله و رهبرلرک روحنده
تکائف ایدن معشری شعور واراده ایله هدفه
دوغرو کیدر . عظیم بر بشر کتله سینه یکی بر
استقامت ویرن انقلاب رهبرلرینک علم سز حرکت
ایتمه لرینه امکان وارمیدر ؛ اکر علم ، بشرک سابق
تجربه لرینک محصله سی ایسه بونا بر آن بیله احتمال
ویریه مهز . بویوک بر بشر کتله سینه یکی بر استقامت ،
یکی بر حرکت ویره بیلیمک ایچین فردی و معشری
روحیات ، اقتصاد واجتماعیات حتی جوغرافیا
و تاریخ معلوماتندن (توصیفی ماهیتنده بیلله
اولسه) استغنا یه امکان یوقدر . انقلابلری حاضر لایان
عامللر آراسنده فکری ماهیتده اولانلرک قیمتی
استصغار ایتک نه قدار یا کلش اولورسه ، انقلابلری ،
خیزنی و استقامتی منحصر ا کندندن آلان
شعور سز بر هیجان عد ایتکده او قدار خطالی
اولور . انقلابلرده ایمانک رولنه بیلله لیاقتندن
فضله موقع ویرمک دوغرو دکلدر . ایمان ساده جه
بیلکی به هیجان و حرکت ویرن ، بیلکی ایله روح
آراسنده صمیمی بر علاقه تولید ایدن عنصردر .
نسبته ضعیف بر بیلکی به ایمان بر نوع قناعت
ماهیتی قازاندر ایلیر ، لاکن بیلکی اولمادجه
یالکنز ایمان انسانى موقعیه کوتوره مهز ، کوتورسه
بیلله تصادفی اولور .

صو کرا « علم » مفهومى ده لایقيله تعین
ایتمه مز لازمدر . بشرک اک عظیم انقلابی ،
صناعی انقلابی ، وجوده کترین عامل علمد کیدی ؛
حالبوکه بو عظیم انقلابی « فعلاً » تحقق ایتدیرنلر



تدبير

منفی آدم

انقلاب دورلرنيك اجتماعي وروحي ساحه لرده تحليلي ياقمق ، جمعيت كته لرنيك عمومي تحولات و تظاهراتي دقتي برمشاهده آلتنه آلق پك زياده فايدالي و لزوملي برتديق اولويور . انسانلرك علي العاده احوالده ، مناسبات عاديده افكار وسجايسي حقنده دوغرو فكرلر ايدينه بيلمك اولدجه مشكل برايشدر ، هر كس سنه لرك و بلكه ده عصر لرك بيريكديرديك بر اعتياد تحفظله باشقاليينه ، يانچيلره قارشواولديني كي دكل احوالك ايجاب ايتديرديك شكلده كورونمك ايچون اعظمي بر جهد صرف ايدر و اكثرياده موفق اولور .

سوقاقده غايت سوسلو و پر عظمت كورديكمز بر خام افنديك اوده كي حقيقي چهره سي اولاييلرك بر اسير منظره سيدر ، بويوك بر صوئوق قانليقله قارشيكزده ايشكزي كورمكه اولان شوقم افنديسي اولاييلرك عصي ، خرچين ... بر آدم در . ايچنده بر جوق مزحرفات اولديني بيلديكمز بر صو دورغون حالنده علي العاده بر منظره عرض ايدر ، فقط قاي صارسيكز ، صوني قاريشديريكز ... اوزمان او كزده كي صويك حقيقي ماهيتي ميدانه چقار . هر زمان تماس ايتديكمز هر آن كوزيمك او كندن كچن بيكلرجه انسان نمونه لري وار ، بونلرك حقيقي ماهيت وسجيه لرني حيات عاديده آكلامق پكده امكان داخلنده دكلدر ، بوزلري بويوك واقعه لر قارشوسنده دهنه مك ، امتحان ايتك ، بويوك خارجي تاثيرلر قارشوسنده آلدقلى وضع و طورلري ، يادقلى عكس العمللري تدقيق ايتك ايجاب ايدر ، بويله فوق امول و فوق العاده حادله لر قارشوسنده فردلرك سنه لردنبري اكتساب ايتدكلري صني اعتيادلر سلسله سي ييقيلير و اكثريته حقيقي هوي ايله ميدانه چقار .

وظيفه سي باشنده اكثريا كورديكمز درشت ، فوق العاده جدى بر مامور طانيردم كه صنداليه سندن امرلرني بويوك بر صوئوق قانليقله ويريور ، ايشلرني تدوير ايدر كن كوسترديك متانت و ثباتي تقديرلرني جلب ايدويوردى ، كندى كنديمه « ايشته ما كنه كي بر انسان ، متين و وظيفه شناس ... » ديردم ، تصادف بر كون بو ذاتي چوجوغنه عايد بر ايش ايچون بمله قارشيلاشديردى ، بدائيه (درشت و متين) آدمي قارشومده كورويوردم ، فقط ايش بر آز حسي ساحه ده دوكلديكي زمان درشت و متين آدمك چوجو كي هيچنيره هيچنيره آغلاديقنه كمال حيرتله شاهد اولشدم .

انقلاب دورلري جمعيتلرك بولانديني ، كته لرك منظومه اعتياداتنك ييقلديني ، آلت اوست اولديني

دورلردر ، بوحد دورلرده فردلركي جمعيتلرده اوصاف فارقه لرني اك حقيقي شكلده تبارز ايتديرلر . معشري وجدان اعظمي بر كثافت و صلابت اكتساب ايدر ، بشري تحسسات مختلف قطبلرده تكاثف ايدر . محبتلر شديد افراطلره ، نفرتلر مدهش غيظ و كينه لره سوروكلنير . انقلابك عكسلى روحلرده دالغالر و فورطنالر قوبارير .

بو آرا ده فردى سجيهرلر كسكينه شير و سيوريلير و ياخود رنكسزله شير ، آزيلاير ، بويوك كلك بر پارچه سي اولوب قالير . جمعيتده بويديرك كيتي انقلابك شدتيله متناسب اولارق آثار ويا اكسيلير . توركار كي تاريخك اك بويوك جدال و انقلابي بايان بر جمعيتده تيبلرك كوستردكلري بارز خصوصيتلر دقت و مشاهده ده دكلجك درجه ده اهميته لايقدرد . دور دائم ما كنه لري تخيل ايدن جون احمدلر ، معروف اصلاحتجي معروف بكلر آرا مزده ياشايان بو تيبلرك غير طبيعيكه سوروكلنمش مثالليردر ، فقط بونك طبيعي و معقول اشكالي آلتنده تظاهر ايدنلري واردركه بونلرك مقداري بالخاصه استانبول ، ازميز كي بويوك شهرلرده استصغار ايديله ميه جك درجه ده جوق اولديني آشكاردر .

منفي آدم ده جمعيتمك حال حا ضرنده تصادف ايديلن شايان قد انو ذلرندن بريسيدر . منفي آدم تعبيريله جمعيتده جريان ايتمكه اولان انقلابك ايجاباتنه معكوس بروضعت آلان ، زمانك تحولات و بيكلكلر ينه انطباق ايدمه ين كيمسهي قصد ايدويورز ، منفي آدم مخالفت ايچون مخالفت ييار ، اوخويسز چوجو قلد كبي در ، بونلر برشي ايسته مهن ، عضويتك غير مشعور الجاليله لاعل التعيين آغلارلر ، منفي آدم ده بويله در ، اونك رؤيت عدسه سي بوتون اشيا و واقعاتي ترس عكس ايتديردر ، اونك ايچون انقلابك اك پارلاق اثرري بسيط بر رايونجاق ، تجددك اك صميمي غايه لري معناسز بر جهددر . منفي آدم فكرلر نه جدى وصميجي در تنقيدلر نه جسارتي داها زياده بوصميجيتندن آلير و جدينته اولان اعتيادي تنقيدلرني كسكينه تيروسيوريلتير . منفي آدم منو در . ادعالرني اثبات ايچون بيكلرجه سنه لك تاريخك يراقلري آراسندن اك پارلاق مثاللري آلير و حادئاتك عينا تكرر ايتك امكاني اولما ديقني اونوتش كورونه رك بونلري كوزيكز او كنه سره ، مقايسه لر و ملاحظه لر يوروتور ، افراطكارلني سوه ، حادته ري تحليله باشلاركه قافاسنده اولدن ويريلن حاضر حكملره ميدانه چقار ، واقعاتك سلسله سي ايچنده بونلرك رهبرلكيله دولاشير ، بو آرا ده راست كلديك شيلره چانار و چاربار ، بولاييلديكي نقصانلري ، اك ناچيز سبيلري افراطكارانه بويولتور ، بوتون بونلري حادته لك مبدأ و ميري فكري تاق ايدر .

منفي آدم بدبين و روحاً متادي بجران ايچنده در ، بونلر انقلابك مشي و ظفرلرنيه قارشودورمه اغراشان انسانلردر ، خسته روحلري انقلاب دورلرنيك آتشين صارصيتلري قارشوسنده هر آن مضطرب و بزكيندر . ساكن انزوا كاهلر نه راحتسز ايديلن عابدلر كي حيات و حادئاته كوسكون و دارغين يشارلر .

حق مفهومي انحصارلري آلتنده بولوندورور و هر كسي ، بوتون جمعيتي اتهام ايدرلر . منفي آدم انقلاب سيلنك قارشوسنه دورمه اغراشان بر زواللي در .

بونلرك هجوم و تنقيدلري تورلو شكللر آلتنده تظاهر ايدر . بعضاً بر ديندار كسوه سي آلتنده واقعاتك روشني بلكه مز ، استخفاف ايدر ، عقيدة لرك ، دين مؤسسسه لرنيك تكاملني انكار ايدرك يوزني بوروشدور ، معبدلرك يوكسك سقفلرينه ، دينك علوي الهاملرينه استناد ايتك ايتير . بعضاده ساده جه ايكلكي شكاي ايدر ... هان دائماً قلبي بغض و نفرتله دولودر .

بونلر كنديلرني ماضيده كي جمعيت مؤسسسه لرنيك فداكار محافظي تاق ايدرلر ، ادعا ايدرلركه آرقاده بر واقديغمز اوزون يول آتيز ايچون بزه رهبرلك ايديله ييلر ، اخلاق ، عادت ، قيافت و اشكالك ... استحاله سي لزومسز بر شيدر .

بر ترامواي قضايي ، بريانغين ... ودها بونك كي اوفاق بر حادته يي مملكته بر اندر اسه سوروكلنديكنه بارز بر اشارت اولارق تاق ايدرلر . بوتون واقعاتي بوقياس باطل ايچنه طويلايلاق شايان حيرت تعميلر ياپارلر .

« ايشته كورويورميسكز ... بزديمه كيدي ... » ديه باشلايلاق دعوا رينه اك قوتلي بر دليل بولدقلى ظن ايدرلر . بونلر يادقلى تحصيله اعتماد ايدرك بر فكر ثابته صاپلانمش خاستلردر ، دنيا نك اك بويوك حقيقي كندى فكر و قناعتلري اولديني ظننده درلر . بر درس خانه ده سكر ، ايضاحاتكزي دكله ين بر جوق چوجو قلد بر قسسي فكرلر يكزي پك چابوق قاورادقلى حالده بر قسسي ده بطي الانقائلر ، منفي آدم ده انقلابك ايجابات طبيعيه سني ادراك ايدمه ين بطي الانتقال بر آدامدر ، بونلر جمعيتك قابليت انطباقيه سي اك آز اولان فردلري ، يولنه دوام ايدن زمره لرك يورغون و آرقاده قالمش ضيف عضوليردر .

عجا منفي آدم يامان بر كبر و نخوتك قرباني ده كيليدر ؟ ... بوتون دنيا ايشلرنيك كندى دوشوندكلري كي اولماسي آرزو ايدن و بونك ايچون اوزله دكلري تخيل عالمك حسرتيله كنديلرني جهنمه آتان بو مغرور قربانلر مرحتدن زياده تدوي به محتاجدرلر ، بونلرك جمعيت داخلنده مثبت و معين بر فعولله لري قالمشدر ، حقيقي و شائي حياه انطباقلري تام اولونجه قدار وظيفه سز بر عضو كي قالمغه محكومدرلر . مع مافيه انقلاب جمعيتلر نه منفي آدملرك موجوديتلري طبيعي بر حادته كي تلق ايديلك ايجاب ايددر . بونلر استحاله چيرمكه ده اولان جمعيت كته لرنيك رسوباتي دركه اصطفا نك تاثيري اونلري ايركيچر احيا ايدم جكدرد .

عنايه

